



**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Commendatio laboris.

[urn:nbn:de:hbz:466:1-68709](#)

riginem; quaque ratione juventus sit ad laborem assuefacienda, præfertim fructuosum & innocentem, qualis est agricultura, de qua Cicero. I. Offic. Omnia rerum, ex quibus aliquid exquiritur, nihil est agriculturæ melius, nihil dulcior, nihil homine libero dignius, nihil publicæ rei utilius. Siracides monet cap. 7. *Non oderis laboriosa opera, & rusticationem creatam ab altissimo.* Est hæc commendatio rei rusticæ I. Labor excludit otium, malorum omnium fontem & originem. 2. Labor est hominis proprium, nam ad eum *nascitur, ut avis ad volatum.* Job. 5. 3. Labor vegetat ac roboret corpus simul & animum. 4. Agricolarum vita ad innocentiam, patientiam, fortitudinem exercet. Optimi quondam milites ab aratro vocabantur. De agriculturæ felicitate Maro. 2. Georg.

O fortunatos nimirum, sua si bona nōrint
Agricolas, quibus ipsa procul discordibus armis
Fundit humo facilem victum justissima tellus.

Qno loco plures vitæ rusticæ laudes enumerat Poëta. Prima est *quies* hujus vitæ, secura à bello, tumultibus, negotijs: perpetua pace ac tranquillitate abundans. Secunda rusticorum *simplicitas*, ab omni fraude & dolo aliena. Tertia, *abundantia*. Quarta, *jucunditas*. Quinta, *frugalitas*. Sexta, *virtus & religio*, unde Astraea seu Justitia seu Virtus, terras exosa, ultimò omnium ad rusticos divertit, & ab his ad cœlum recessit, Poëta canente

extrema per illos

Justitia excedens terris, vestigia fixit.

IV. (d) Notandum, Triptolemum curru sublimem, longè supra terras evectum fuisse. Est enim labor dux ad virtutem, cuius ut cœlestis est origo, sic per illam est ad cœlum via. Possis huc applicare illam in Zodiaco sidereo rutilantem virginem, quæ manu sinistra *spicam* tenet, ut intelligas laborem (præfertim terram colentium, & agros arato exercentium) esse incontinentiæ antidotum, & malarum cupiditatum remedium. Inter priscos anachoretas vulgatissimo ferebatur adagio: laborantem ab uno solo dæmonie vellicari; desidem & cessatorem à plurimis exagitari. Quid, quod hac per aërem vecturâ significetur, ita curandum *solum*, & rei angenda, etiam per honestos labores studium, ut animus tamen sudore corporis ac pulvere non opprimatur, sed è fatigatis quoque membris, liber ad cœlum subvolet. Sic enim, ait D. Gregorius, curanda sunt temporalia, ut non amittamus æterna. Tal-

X 2

pæ

(d) *Commendatio laboris:*

pæ se infodiunt terræ, quia carent oculis: homines lucris præsentibus dediti, nihil vident earum rerum, quæ ad futuram felicitatem pertinent.

V. (e) Dignus immortalitate fuit Triptolemus: nam beneficium, quod à Dijs accepit, in alios sparsit, tantò quidem ampliore munere, quantò in plures illud diffudit. Non enim nobis solis, ut Tullius ait, sed patriæ nati sumus. Et hoc est boni ac sapientis Principis, ad profligandum otium & inopiam, bonas artes, præsertim agriculturam, inter subditos propagare. Veterum Sapientum est profatum, liberalitate & beneficentiâ homines proximè ad Deos accedere, id quod Triptolemus fecit. Est enim divinitatis proprium benefacere. Cicero lib. 2. de natur. Deor. Ipse, inquit, Jupiter, id est, *juvans pater*, & à Majoribus nostris *Optimus Maximus* dicitur; & quidem antè optimus, quām maximus, quia majus est, certeque gratius, prodesse omnibus, quām magnas opes habere. Hinc Varroni *dives* dictus est, quasi *divus*, quod perinde ac Deus circumfluat maximis copijs, & alienam miseriam ac inopiam, nihil ipse interim incommodi accipiens, levare tam velit, quām possit. Augustus sanè Imperator, postquam imperium erat adeptus, nihil se magis sibi gratulari dixit, quām quōd gradum illum jam concendiisset, unde universis beneficiandi facultas præstaretur; cùm illud amplitudinis certum sit testimonium, omnes beneficentiâ promereri. Dio lib. 5. Hinc in proverbium abijt, *homo homini Deus*. Antiquitas enim nihil aliud existimabat esse *Deum*, quām prodesse mortalibus. Vnde frugum, vini, legum autores, & quicunque ad vitæ commoditatem aliquid attulisset, pro Dijs habiti; quam ob causam etiam Sol, Luna, Aqua, Terra Numinibus accensita sunt, quōd plurimum ad vitam conducere viderentur: quōdque horum commoditate mortales maiorem in modum delectarentur.

Chiliaestes.

(e) Beneficentia colonda.



S Y M-